

牡丹亭記


共六冊

共六冊

内閣文庫		
番號	漢	17903
冊數	6 (1)	
函號	附	4 20

書
附四
一七九〇
全三
六號

紙 4-20



牡丹亭題詞

天下女子有情，寧有如杜麗娘者乎？
夢其人，卽病，病卽彌，連至手畫形容，
傳於世而後死，死三年矣，復能溟莫
中求得其所夢者而生，如麗娘者，乃
可謂之有情人耳。情不知所起，一往
而深，生者可以死，死可以生，生而不



可與死。死而不可復生者。皆非情之至也。夢中之情。何必非真。天下豈少夢中之人邪。必因薦枕而成親。待掛冠而為密者。皆形骸之論也。傳杜太守事者。彷彿晉武都守李仲文。廣州守馮孝。將兒女事。予稍為更而演之。至於杜守收拷柳生。亦如漢睢陽王。

收考談生也。嗟夫人世之事。非人世所可盡。自非通人。恒以理相格耳。第云理之所必無。安知情之所必有邪。萬曆戊戌秋。清遠道人題。

批點牡丹亭記序

玉茗堂樂府臨川湯若士所著也。中有牡丹亭記。乃合李仲文馮孝將兒睢陽王談生事而附會之者也。其播詞也。鏗鏘足以應節。詭麗足以應情。幻特足以應態。自可以變詞人抑揚俯仰之常局。而冥符于創源命派之

手。雉城臧晉叔以其爲案頭之書而非場中之劇乃刪其采剉其鋒使其合于庸工俗耳讀其言苦其事恠而詞平詞恠而調平調恠而音節平于作者之意漫滅殆盡并求其如世之詞人俯仰抑揚之常局而不及余嘗與面質之晉叔心未下也夫晉叔豈

好平乎哉以爲不如此則不合于世也合于世者必信乎世如必人之信而後可則其事之生而死死而生死者無端死而生者更無端安能必其世之盡信也今其事出于才士之口似可以不必信然極天下之恠者皆平也臨川有言第云理之所必無安

知。情。之。所。必。有。耶。我。以。不。特。此。也。凡。
意。之。所。可。至。必。事。之。所。已。至。也。則。死。
生。變。幻。不。足。以。言。其。恠。而。詞。人。之。音。
響。慧。致。反。必。欲。求。其。平。無。謂。也。家。季。
爲。校。其。原。本。評。而。播。之。庶。幾。知。其。節。
知。其。情。知。其。態。者。哉。然。亦。必。知。其。節。
知。其。情。知。其。態。者。而。後。可。與。言。矣。

前溪茅元儀題

題牡丹亭記

說者曰詩三百篇變而爲樂府樂府
變而爲詞詞又變而爲曲逮至曲而
詩亾矣不知詩之亾也亦音不叶律
辭不該洽情不極至而徒爲嘽緩靡
鼻之響耳余幼讀季札之觀樂子野
之覘楚與夫開皇大業房中清夜諸

曲識者每於此窺治忽心竊領之繼而進秦七揖柳郎而登清照心又竊艷之因彙金荃蘭畹諸集遴較諸名家合作爲詞的一刻爰考九宮十三調以旁及于曲使曲不掩詞詞不掩樂府去三百篇又豈遠也但南音北調不啻充棟而獨有取於牡丹亭一

記何耶吾以家弦而戶習聲遏行雲響流淇水者徃哲已具論第曰傳奇者事不奇幻不傳辭不奇艷不傳其間情之所在自有而無自無而有不瑰奇愕眙者亦不傳而斯記有焉夢而死也能雪有情之涕死而生也頓破沉痛之顏雅麗幽艷燦如霞之披

而花之旖旎矣論者乃以其生不踏
吳門學未窺音律局故鄉之聞見按
無節之絃歌幾爲元人所笑不大難
爲作者乎大都有音卽有律律者法
也必合四聲中七始而法始盡有志
則有辭曲者志也必藻繪如生顰笑
悲涕而曲始工二者固合則竝美離

則兩傷但以其稍不諧叶而遂訾之
是以折腰齟齬者攻於音則謂夷光
南威不足妍也吾弗信矣試攷元以
曲取士猶分十二科豈非兼才難而
作者之精神難昧乎余於帖括之暇
間爲數則附之唾香集後并刻茲記
非敢謂咀宮嚙徵以分臨川前席酒

後耳熱聊與知者行歌拾穗以自快
適耳

青茗茅暎遠士簞

牡丹亭目錄

一卷

標月

言懷

訓女

腐嘆

延師

悵眺

閨塾

勸農

肅苑

驚夢

慈戒

尋夢

訣謁

寫真

虜謀

牡丹亭目錄

二卷

詰病

道現

診祟

牝賊

鬧殤

謁遇

旅寄

牡丹亭目録
三卷

冥判

拾画

憶女

玩真

魂遊

幽媾

牡丹亭目録

三卷

旁疑

懽撓

繕備

冥誓

秘議

詞藥

回生

牡丹亭目録

牡丹亭記卷八

婚走

駭變

淮警

如杭

僕貞

耽試

移鎮

禦淮

急難

牡丹亭目錄

四卷

寇間

折寇

圍釋

遇母

淮泊

鬧宴

榜下

牡丹亭記

索元

硬拷

聞喜

圓駕

凡例

一南曲向多宗匠無論新聲第事涉玄幻語
 葩雅恐牡丹亭一記不唯遠軼時流亦當並
 轡往哲昔賢既已嘔心今世何無具眼因特
 梓之與有情人相為拈賞

一曲每以儷白轉調舊本混刻不唯昧作者苦
 心亦大失詞家正脉今悉依寧菴先生九宮
 譜訂正

一臧晉叔先生刪削原本以便登場未免有截
 鶴續鳧之歎欲脩案頭完璧用存玉茗全編
 此亦臨川本意非僕臆見也臨川尺牘自可
 考

一晉叔評語當者亦多故不敢一槩抹殺以瞋
 前輩風流僕不足為臨川知己亦庶幾晉叔
 功臣

添眉翠搖佩珠
繡屏中生成士
女圖



荒臺古樹
寒烟





竹籬茆舍
酒旗入雨
過炊烟一
縷斜




雨香雲片纔到
夢兒邊



樓上花枝
照獨眠





沒揣
美花偷人
半面





汪文鏞

水閣摧殘画舫
拋躲冷鞦韆尚
挂下羣拖






賺花陰小犬吠春
星冷冥三梨花
春影

衛幽香一陣
昏黃月





劉升伯鑄



落日搖帆暎
綠蒲





後苑池中月冷新
魂波動

庚申中秋寫
王文衡



平鋪着金殿瓊
瑤翠鴛鴦瓦



